

PAPURAU BUSNES

Rhan 1 – Adran G

Rhybuddion o Gynigion a Gwelliannau ar gyfer Dadleuon yn y Dyfodol

Cynigion a gyflwynwyd ar 11 Ionawr 2000 i'w trafod ar 18 Ionawr 2000

Pwnc Ar Gyfer Dadl Fer

Geraint Davies (Rhondda); Y Cymoedd, Heddiw ac Yfory (NDM158)

Andrew Davies (Gorllewin Abertawe);

Bod y Cynulliad yn cymeradwyo'r cynllun gweithredu bras a osodwyd ar 11 Ionawr 2000, yn cydnabod bod angen ymdrechu ar y cyd i hybu cynhwysiant cymdeithasol, ac yn cytuno bod angen ymrwymo o'r newydd i gymryd camau integredig, wedi'u targedu i ymdrin â phroblemau penodol y cymunedau mwyaf difreintiedig yng Nghymru (NDM159)

Andrew Davies (Gorllewin Abertawe);

Bod y Cynulliad:

- a. yn ystyried adroddiad y Pwyllgor Deddfu ar y Gorchymyn drafft "Gorchymyn Tai (Hawl i Brynu) (Blaenoriaethau Arwystlon) (Cymru) 2000" a osodwyd gerbron y Swyddfa Gyflwyno ar Ragfyr 14eg 1999.
- b. yn ystyried egwyddor y Gorchymyn drafft.

(c) yn cymeradwyo y gwneir y Gorchymyn yn unol â'r drafft a osodwyd gerbron y Swyddfa Gyflwyno ar Ragfyr 6ed 1999. (NDM160)

Gwelliannau a gyflwynwyd ar 13 Ionawr 2000

NDM159

1. **Kirsty Williams (Brycheiniog a Maesyfed);**

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod

Ychwaneger ar ddiwedd y cynnig;

"Wrth gydnabod yr angen i fynd i'r afael â dieithrwch cymdeithasol yng Nghymru, mae'r Cynulliad hwn yn nodi yn arbennig:

- gwerth darparu addysg y blynyddoedd cynnar o safon i bob plentyn 3 oed yn ogystal ag i bob plentyn 4 oed.
- gwerth darparu profion llygaid ac archwiliadau deintyddol am ddim.
- yr angen i ehangu cyfleoedd ar gyfer ail-hyfforddi a datblygu medrau newydd.
- yr angen i wella ansawdd y stoc dai.
- y bygythiad i gymunedau yn sgil Mesur arfaethedig Swyddfa'r Post a fydd yn bygwth hyfywedd llawer o swyddfeydd post.
- yr angen i wella cysylltiadau trafndiaeth.

2. Kirsty Williams (Brycheniog a Maesyfed)

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod

Ychwaneger ar ddiwedd y cynnig:

"Yn ogystal mae'r Cynulliad hwn yn

- cydnabod pwysigrwdd sicrhau'r cyfan o'r Arian Amcan 1 y mae gennym yr hawl iddo o safbwynt mynd i'r afael â dieithrwch cymdeithasol ac felly mae'n cydnabod pwysigrwydd darparu arian cyfatebol i Gymru yn ychwanegol at yr hyn a ddarperir yng Ngrant Bloc Barnett.
- yn galw am ehangu'r rhaglen "Pobl mewn Cymunedau" i gymunedau difreintiedig pellach ledled Cymru yn ogystal â'r wyth cymuned sy'n cael eu cynnwys ar hyn o bryd.

yn mynnu bod unrhyw dargedau/cerrig milltir a sefydlir wrth ddatblygu'r cynllun gweithredu yn cael eu dwyn gerbron cyfarfod llawn pellach yn y dyfodol i'w cymeradwyo."

3. David Melding (Canol De Cymru);

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod

Ar ôl y geiriau "y cymunedau mwyaf difreintiedig yng Nghymru"

dileer yr atalnod llawn ac ychwaneger: "ymhellach mae'r Cynulliad hwn yn credu mai'r ffordd fwyaf effeithiol o hybu cynhwysiant cymdeithasol yw pennu a chyflawni targedau ymestynnol ar gyfer datblygu economaidd a gwella gwasanaethau cyhoeddus yng Nghymru"

4. David Melding (Canol De Cymru);

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod:

Yn llinell un, dileer y gair "cymeradwyo" a rhodder "nodi" yn ei le.

5. Helen Mary Jones (Llanelli):

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod:

Yn llinell dau ar ôl "ymdrechu ar y cyd" ychwaneger "ynghyd ag adnoddau ychwanegol sylweddol ..."

6. Helen Mary Jones (Llanelli):

Cynnig bod y Cynulliad yn penderfynu mabwysiadu'r gwelliannau canlynol i'r cynnig uchod :

Ychwaneger ail baragraff

"Mae'r Cynulliad yn cyfarwyddo'r Cabinet i ddod â'r Cynllun Gweithredu Manwl yn ôl gerbron y Cynulliad llawn i'w drafod ymhellach pan fydd targedau wedi'u pennu a sicrhau bod y Cynllun Gweithredu'n cael ei drafod, ac mae hefyd yn cyfarwyddo Pwyllgorau'r Cynulliad i fonitro ac adolygu'r cynllun yn rheolaidd."